



IINIMA YA SIMANA MOVETA YOONDJOKANA DHUUTHIKEPAMWE



Oveta yoondjokana dhuuthikepamwe oshike (MPEA)?

Oveta yuuthikepamwe moondjokana ohayi kutha po oshipungo shokuya momilalo moondjokana dhopashigwana. Uuthikepamwe moondjokana otashi ti kutya aasamane naakulukadhi ayehe oye na oonkondo dhi thike pamwe mokuninga omatokolo.



Omaliko noondjokana

Eliko li li mumwe:

- Kehe shimwe shoka omusamane nomukulukadhi ye na manga inaaya hokana ohashi ningi oshitopolwa sheliko li li mumwe. Kehe shimwe sha monika nenge sha landwa mondjokana nasho ohashi ningi oshitopolwa sheliko li li mumwe. Omunandjokana kehe oku na mo etata meliko ndyoka. Ngele omunandjokana gumwe oku na oongunga, iimaliwa mbi yi li meliko ndyoka oyo hayi futile po oongunga ndhoka.
- Aanandjokana oye na okuvathana ya landithe, ya gandje nenge ya hehele iimaliwa nenge eliko. Ayehe oye na okuvathana ngele oya hala okuninga ehehelo lyiimaliwa oyindji moondjo.
- Ngele aanandjokana oya hengana nenge gumwe a mana oondjenda, eliko oli na okutopolwa pokati.



Eliko lya topoka:

- Kehe shimwe omusamane nenge omukulukadhi e na manga inaaya hokana ohashi kala she mwene. Una ya hokana ohaya kala nomaliko gawo yene. Kehe gumwe oku na oshinakugwanithwa shoongunga niimaliwa ye mwene.
- Omusamane nenge omukulukadhi ota vulu okulanda nenge okulanditha po iinima ye ye mwene inaa pula mukwawo. Kehe gumwe ota vulu okukutha iimaliwa moongunga inaa pula mukwawo.
- Hamafutilo agehe ga topoka. Omafutilo goompumbwe dhegumbo itaga topolwa, molwashoka omusamane nomukulukadhi oye na oshinakugwanithwa shokwiikaleka po.
- Ngele aanandjokana oya hala okuhengana, kehe gumwe oha kala neliko lye mwene, nakehe shimwe ya landa pamwe ohashi topolwa pokati. Ngele gumwe okwa si eliko lyanakusa olyo ashike hali yi naathigululi.



Omalandu guni hagu longithwa meliko lyaanandjokana?

Oondjokana odhindji dhopamuthigu-luwakalo moNamibia odhi li mondjokana yeliko li li mumwe. Ngele owa hala okuhokana mondjokana yeliko lya topoka owu na okuninga euvathano omanga ino hokana/hokana nowu na oku li nyolitha kombelewa ylinyolelwamo yUthiga.

Ashike ngele oho zi kuumbangantu handiyaka 'yOmusinda omukulu gwOpolisi' ano momahala ngaashi ga li hagi ithanwa Owambo, Kavango noCaprivi, oondjokana ndhika odhopashigwana pokati 'kAyafrika' ndhoka dha hokanithwa konima yesiku 1 Auguste 1950, oondjokana ndhika odhi na eliko lya topoka. Ngele owa hala okuhokana ondjokana yeliko li li mumwe owu na okuninga etso-kumweuvathano/okontalaka nomunambelewa gwoondjokana manga ino hokana.

Ondjokana nuunona

Oveta yi na sha nUuthikepamwe wAanandjokana ndjoka tayi ti kutya aaivali ayehe oye thikepamwe mokutekula nomesiloshipwiyu lyaanona. Shika otashi ti aaivali ayehe otaya vulu okuninga omatokolo gankene ye na okuputudha oyana. Inaa pumbwa okukundathana omatokolo ogendji. Ashike omatokolo gamwe, ngaashi okutokola okugandja po okanona ka ka tekulwe nenge ka ye kondje yaNamibia, oye na oku shi ninga ayehe.

Omolwomauyelele ga gwedhwa po,
Elongithwambo lyOveta yOondjokana
dhUuthikepamwe monathana noLegal
Assistance Centre



Pakwathelo lyUukalelipo
wOrepublika yaFrench
Legal Assistance Centre
P.O. Box 604, Windhoek, Namibia
Tel. 061-223356

